



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

A Clemente XI. Ad Benedictum XIII.

**Luxemburgi, MDCCXLI.**

47. Exponi nobis &c. Constitutio super studiis, & gradibus Ordinis  
Carmelitarum.

---

[urn:nbn:de:hbz:466:1-74859](https://nbn-resolving.org/urn:nbn:de:hbz:466:1-74859)



Reprobatio  
omnium prae-  
missorum.

Decretum  
firmitatis  
censurarum,  
& poenarum  
contra perpe-  
trantes cum  
reservatione  
abfolutionis  
S. Sedi.

Decreta ro-  
borantia cum  
clausula fu-  
blata, & irri-  
tante.

vel praescribendi, causam acquisitam, vel acqui-  
tum fuisse, vel esse, aut quandocumque acquiri,  
vel competere posse, neque illa ullum statum fa-  
cere, vel fecisse, sed perinde, ac si nunquam ema-  
nassent, nec facta fuissent, pro non extantibus,  
& non factis perpetuo itidem haberi debere, te-  
nere praesentium denuo declaramus. Et nihilomi-  
nus ad majorem, & abundantiore cautelam,  
& quatenus opus sit, illa omnia, & singula mo-  
tu, scientia, deliberatione, & potestatis plenitu-  
dine paribus harum serie damnamus, reprobamus,  
revocamus, cassamus, irritamus, annullamus, &  
abolemus, viribusque, & effectu penitus, & om-  
nino vacuumus, ac pro damnatis, reprobatis, re-  
vocatis, cassatis, irritis, nullis invalidis, & aboli-  
tis, viribusque, & effectu penitus, & omnino va-  
cuis semper haberi volumus, & mandamus, & con-  
tra illa, deque eorum nullitate coram Deo pro-  
testamur.

§. 4. Firmas praeterea, ac salvas esse similiter  
volumus, atque decernimus quascumque cen-  
suras, & poenas Ecclesiasticas, quas ii omnes, qui  
praemissa perpetrarunt, mandarunt, vel rata ha-  
buerunt, seu in eis auxilium, consilium, vel fa-  
vorem quomodolibet praestiterunt, cujuscumque  
praeminentiae, & dignitatis fuerint, propter ea-  
dem praemissa quovis modo incurrerunt, à qui-  
bus, post condignam Ecclesiae praestitam satisfactio-  
nem, non nisi à Nobis, seu Romano Pontifice pro  
tempore existente (praeterquam in mortis articulo,  
& tunc cum reincidentia in easdem censuras eo  
ipso, quo convaluerint) absolvi, & liberari valeant.  
Facultate insuper Nobis, & eidem Sanctae Sedi  
expressè reservata, quatenus illi minimè redierint  
ad cor, ad alia canonica, ac severiora remedia  
quandocumque procedendi.

§. 5. Decernentes etiam easdem praesentes li-  
teras, & in eis contenta quaecumque, etiam ex eo  
quod praefati, aut alii quicumque in praemissis, seu  
eorum aliquo Jus, vel interesse habentes, seu  
habere quomodolibet praetendentes, cujusvis sta-  
tus, gradus, ordinis, praeminentiae, & dignitatis  
existent, seu alias specificè, & individua mentio-  
ne, & expressione digni, illis non consenserint,  
nec ad ea vocati, citati, & auditi, causaeque,  
propter quas praesentes emanarint, sufficienter  
adductae, verificatae, & iustificatae non fuerint,  
aut ex alia quolibet, etiam quantumvis juridi-  
ca, & privilegiata causa, colore, praetextu, &  
capite, etiam in corpore juris clauso, etiam enormis,  
enormissimae, & totalis laesionis, nullo unquam  
tempore de subreptionis, vel obreptionis, aut nul-  
litate vitio, seu intentionis nostrae, vel interesse  
habentium consensus, aliove quolibet, etiam  
quantumvis magno, & substantiali, ac in-  
cogitato & incogitabili defectu notari, im-  
pugnari, infringi, retractari, in controver-  
siam vocari, aut ad terminos juris reduci,  
seu adversus illas aperiitionis oris, restituti-  
onis in integrum, aliudve quodcumque juris, fac-  
ti, vel gratiae remedium intentari, vel impe-  
trari, aut impetrato, seu etiam motu, scien-  
tia, & potestatis plenitudine paribus concessio,  
vel emanato, quempiam in iudicio, vel extra il-  
lud uti, seu se juvare ullo modo posse: Sed ipsas  
praesentes literas semper firmas, validas, & ef-  
ficaces existere, & fore, suorumque plenarios, &  
integros effectus sortiri, & obtinere, ac ab illis,  
ad quos spectat, & pro tempore quandocumque  
spectabit, inviolabiliter, & inconcussè observari;  
Sicque, & non aliter in praemissis per quoscumque  
Judices Ordinarios, & Delegatos, etiam Caesarum  
Palatii Apostolici Auditores, ac S. R. Ecclesiae Car-  
dinales, etiam de latere Legatos, & ejusdem Sedis  
Nuncios, aliove quoslibet, quacumque praemi-  
nentia, & potestate fungentes, & functuros, su-

blata eis, & eorum cuilibet quavis aliter judi-  
candi, & interpretandi facultate, & auctoritate  
judicari, & definiri debere, ac irritum, & inane  
si secus super his à quoquam quavis auctoritate  
scienter, vel ignoranter contigerit attentari.

§. 6. Non obstantibus praemissis, ac quatenus  
opus sit, nostrae, & Cancellariae Apostolicae re-  
gulae de jure quaesito non tollendo, aliisque A-  
postolicis, ac in Universalibus, provincialibusque,  
& Synodalibus Conciliis editis generali-  
bus, vel specialibus Constitutionibus, & ordi-  
nationibus; necnon quibusvis, etiam juramento,  
confirmatione Apostolica, vel quavis firmitate alia  
roboratis statutis, & consuetudinibus, ac usibus,  
& styli, etiam immemorabilibus, privilegiis quo-  
que, indultis, & literis Apostolicis quibuscumque  
Personis etiam quantumvis sublimibus, & specia-  
lissimè mentione dignis sub quibuscumque verbo-  
rum tenoribus, & formis, ac cum quibusvis,  
etiam derogatoriis derogatoriis, aliisque effi-  
caciorebus, efficacissimis, & insolitis clausulis,  
irritantibusque, & aliis Decretis, etiam motu,  
scientia, & potestatis plenitudine similibus, seu  
ad quorumcumque Personarum, etiam Imperiali,  
Regali, aliave qualibet mundana, vel ecclesiastica  
dignitate fulgentium instantiam, vel earum con-  
templatione, seu alias quomodolibet in genere,  
vel in specie, etiam consistorialiter in contrarium  
praemissorum concessis, editis, factis, ac pluries  
iteratis, & quantiscumque vicibus approbatis,  
& confirmatis, & innovatis. Quibus omnibus, &  
singulis, etiam pro illorum sufficienti derogatione  
de illis, eorumque totis tenoribus specialis, spe-  
cifica, expressa, & individua, ac de verbo ad ver-  
bum, non autem per clausulas generales idem im-  
portantes mentio, seu quavis alia expressio habenda,  
aut aliqua alia exquisita forma ad hoc servanda  
foret, tenores hujusmodi, ac si de verbo ad  
verbum nihil penitus omissio, & forma in illis  
tradita observata exprimerentur, & infereren-  
tur praesentibus pro plenè, & sufficienter ex-  
pressis, & insertis habentes, illis aliàs in suo  
robore permanens, ad praemissorum effectum  
hac vice dumtaxat specialiter, & expressè derogamus,  
ac derogatum esse volumus, ceterisque  
contrariis quibuscumque.

§. 7. Volumus autem, ut earumdem praesentium  
literarum transumptis, seu exemplis, etiam  
impressis, manu alicujus Notarii publici  
subscriptis, & sigillo Personae in Ecclesiastica di-  
gnitate constitutae munitis, eadem prorsus fides  
tam in iudicio, quam extra illud ubique adhibea-  
tur, quae eidem praesentibus adhiberetur, si forent  
exhibita, vel ostensa. Datum Romae apud Sanctam  
Mariam Majorem sub Annulo Piscatoris  
die xvii. Octobris MDCCXI. Pontificatus Nostri  
Anno XI.

F. Oliverius.

CONSTITUTIO

Super studiis, & gradibus Ordinis Carmelitarum.

CLEMENS PAPA XI.

Ad futuram rei memoriam.

EXponi Nobis nuper fecit dilectus filius Petrus  
Thomas Sanchez Prior Generalis Ordinis Fra-  
trum Beatae Mariae Virginis de Monte Carmelo,  
quod licet per Constitutiones dicti Ordinis anti-  
quae Observantiae nuncupat. part. prima cap. 17.  
& 18., certa forma tam circa studia, quam circa  
qualitates in Studentibus ad gradus scholasticos  
promovendis requisitas, incipiendo ab officio

Derogatio  
contrario-  
rum.

Fides habenda  
transumptis.

Dat. die 17.  
Octobris an-  
no 1711.

XLVII.

Narratur ob-  
servantia  
quorundam  
Constitutio-  
num tam cir-  
ca studia,  
quam circa  
promotio-  
nem Studen-  
tium ad gra-  
dus scholasti-  
cos in non-  
nullis Provin-  
cis Ordinis  
Carmelita-  
rum usque ad  
annum 1680.

Cur.



Curatoris nuncupat, usque ad Magisterium observanda præscribatur, eaque in omnibus prædicti Ordinis Provinciis (exceptis illis Hispaniarum, & Portugallæ, quæ circa præmissa Statutis particularibus utuntur) non sine magno scientiarum emolumento ab inmemorabili tempore usque ad annum MDCLXXX. servata fuerit, nihilominus in Capitulo Generali ejusdem Ordinis quod dicto anno MDCLXXX. celebratum fuit, eidem formæ nonnulli Articuli ad praxim minimè adducibiles adjuncti fuerunt; verùm paulò postea, nempe die 28. Septembris MDCLXXXII. iidem Articuli ad evitanda incommoda, quæ ex eorum observantiâ oriri posse prævidebantur, per quondam Angelum Monsignani tunc existentem Priorem Generalem dicti Ordinis ex viva vocis oraculo à fel. rec. Innocentio Papa XI. Prædecessore nostro habito ad Superiorum Provinciarum Italiæ ejusdem Ordinis instantiam suspensi fuerunt, quousque in tunc proximè futuro Capitulo Generali, quod subinde, nempe anno MDCLXXXVI. celebratum fuit, an iidem Articuli penitus abrogandi, seu corrigendi forent discuteretur, ac interim id, quod super præmissis per dictas Constitutiones sancitum reperiebatur exactè observari debere, decretum fuit.

§. 1. Porro prædictis Articulis in Capitulo Generali hujusmodi examinatis, eorumque difficillimo usu recognito, totum negotium arbitrio, & prudentiæ quondam Pauli à S. Ignatio in ultimo dicto Capitulo Generali in Priore Generale electo, remissum fuit; Ipse verò Paulus Prior Generalis nil aliud circa studia, & gradus hujusmodi, quam formam per dictas Constitutiones præscriptam durante suo Generalatus officio observavit; Subinde autem cum in alio Capitulo Generali ipsius Ordinis anno MDCXCII. celebrato ad prædicti Ordinis regimen quondam Joannes Feyxoo de Villalobos assumptus fuisset, ipse zelo ductus sperans se eam formam, quæ circa eadem studia in dictis Hispaniarum Provinciis servatur, ad omnes alias suæ Religionis, & signatur Italiæ Provincias extendere posse, diversa decreta praxi quidem earundem Provinciarum Hispaniæ consona, sed formæ à supradictis Constitutionibus præscriptæ penitus adversantia promulgavit, illasque per quasdam subinde rec. mem. Innocentii Papæ XII. etiam Prædecessoris nostri die XI. Octobris ejusdem anni MDCXCII. in simili formâ Brevis desuper expeditas literas toto illorum tenore inserto confirmata executioni, demandare curavit.

§. 2. Verùm cum id non modò difficile, sed ferè impossibile tam ipse Joannes Prior Generalis, quam ejus Successores experti fuerint ob paupertatem, & angustias earundem Provinciarum Italiæ, Collegiorum in prædictis Decretis designatorum numerum ferè minimè valentium, prout 18. annorum experientia comprobavit; Exindeque multa mala, & incommoda memoratis Italiæ Provinciis obverint, non sine magno studiorum, quæ ferè penitus collapsa sunt, detrimento, cum major inibi Lectorum, quam Studentium, & Studiorum numerus reperitur, eaque de causâ quamplurimi contra earundem Constitutionum formam gradibus insigniti fuerint, novissimè in Capitulo Generali Ordinis supradicti anno MDCCIV. celebrato iidem Decretis per dictum Joannem Priorem Generalem, ut præsertim, confectis maturè perpensis, eorumque praxi ferè impossibili recognitâ, edita fuerunt nova alia Decreta in omnibus, & per omnia antiquæ formæ per memoratas Constitutiones stabilita consona, cum solo additamento duorum salubrium Decretorum in aliis Capitulis Generalibus ejusdem Ordinis annis 1645. & 1660. celebratis confectorum tenoris sequentis videlicet:

EX CAPITULO GENERALI 1704.

De Studiis, & Studentibus.

Carmitis olim majoribus nostris in Eremitis, ac solitudine latentibus unicum porro erat necessarium, Deo nimirum vacare per continua contemplationis exercitia: Verùm ex quo ad publicum Ecclesiæ famulatum, Agrique Dominici culturam Summorum Pontificum auctoritate translatus sumus, nostri jam instituti ratio postulat, ut cum Theologiâ mysticâ, quæ sanè pars est Carmelitarum optima, literarum, scientiarumque studia, non impigrè jungamus. Quare statui-mus in primis, quod in universo Ordine nostro sint studia generalia quadraginta quatuor, videlicet; Romæ, Parisiis, Tolosæ, Paduæ, Papiæ, Neapolis, Florentiæ, Senis, Pisis, Taurini, Cremonæ, Ravennæ, Catanæ, Drepani, Messanæ, Pa-normi, Barchinonæ, Salmanticæ, Compluti, Ilerdæ, Conimbricæ, Toleti, Vallisoleti, Valentis, Olschæ, Granatæ, Hispali, Oslunæ, Cordubæ, Colonæ, Moguntiæ, Lovanii, Avenioni, Perpiniani, Burdegale, Andegavi, Licii, Cracoviæ, Viennæ, Sanctæ Mariæ de Vita, Duacii, Vilnæ, Capuæ, ac Bononiæ, in quibus omnibus sint continuæ Regentes, & Lectores Artium, & Theologiæ cum Studentibus idoneis.

Item ordinamus, quod quilibet Provincia possit mittere Studentes ad quodlibet studium generale, de licentiâ tamen, & assensu Prioris Generalis; Declarantes, quod si in Provinciis, ubi propter observantiam vitæ communis conventualitas est abrogata, in Conventu aliquo essent plures Fratres idonei ad studia, Provincia talis ex communi Aërario Provinciæ teneatur solitam subventionem pro suis necessitatibus suppleendis assignare omnibus, & singulis sic missis. In aliis verò Provinciis, ubi nondum viget vita communis, sed conventualitas adhuc in usu est, solita subventio Studentium fiat à Conventibus, quorum sunt filii, & talis provisio assignetur cuique, quandiu actualiter Studentes erunt. Decerentes insuper, quod quilibet Conventus Ordinis habens facultatem nutriendi octo Fratres, teneatur manutene-re unum Religiosum suæ Provinciæ in studio, & ei solitam subventionem dare, sub pœnâ privationis officii Priori, & rebellionis Fratribus dicti Conventus huic Satuto se opponentibus, infligenda; Unde consequenter statuimus, quod si contingat plures esse Studentes filios unius Conventus, cui facultates non supererunt omnibus solitam subventionem dare, Provinciali, seu Generali eos distribuat, & assignet aliis Conventibus ejusdem Provinciæ, qui vel non habent Alumnos studentes, vel si habent, non in eo numero, quo possunt in studio sustentare. Studentes verò ad Studia generalia intra, vel extra suam Provinciam missi, nullo modo promoveantur, nec quidem in formâ simplicis Curatoratus, sine Prioris Generalis licentiâ, & servatis iis, quæ inferius determinabuntur, quod intelligendum est de Italiæ Provinciis, quinimò nec Provincialis neminem possit promovere ad studia, nisi cum licentiâ Patris Generalis, & habitis parentibus ejusdem.

Ad hæc studia nullus mittatur discipulus, vel de inhonestâ conversatione suspectus, aut qui crimen perpetravit, vel scandalum fecerit, etiam si ab Ordine non recesserit. Similiter qui ab Ordine apostatavit, sed solum illi, quos virtutis, & honestatis amantes, Prior Provincialis Patri Ordinis præsentandos esse judicaverit, habitis etiam super hoc testimonialibus literis à Conventu, in quo per sex ultimos menses ante studium vixerint, & post debitos annos in Seminario, vel Professoriâ à professione completos, nisi aliquando justâ de causâ

Tenor eorumdem Decretorum.

Decernitur, quod in universo Ordine sint quadraginta quatuor Studia generalia, expressis Civitatibus:

Facultas concessa cuilibet Provinciæ Studentes mittendi ad quodlibet studium generale cum declaratione circa subventionem expensarum,

Studentes ad studia missi non promoveantur absque licentiâ Prioris Generalis.

Prohibitio ne ad studia mittantur criminosi, vel Apostatæ sed tantum ii, qui testimoniales habuerint.

Immutatio dd. Constitutionum expleta in Capitulo anni 1680.

Redintegratio observantiæ dd. Constitutionum anni 1686.

Nova immutatio earundem in Capitulo anni 1692. roborata per Breve. fan. mem. Inoc. XII.

Nova Decreta sancita in Capitulo anni 1704. conformia supra relatis Constitutionibus.



à Diffinitorio de mansione in Conventu continuâ per sex menses dispensarentur, quæ causâ similiter ad Reverendissimum Generalem transcribantur; idque intelligendum volumus de omnibus Studentibus, sive intra, sive extra Provinciam ad studium mittantur, sub pœna depositionis Provinciali ab officio, & Diffinitoribus sub pœnâ inhabilitationis ab actu definiendi imposterum. Et si ex quâcumque Provinciâ tales rixosi, discolori, & aliis supra nominatis vitiis affecti ad Lecturatus, Baccalaureatus, imò & Magisterii gradus fuerint promoti; aut in studio, ad quod tales sunt missi, tales fuerint reperti, ipso facto sint privati perpetuò omni studio, & gradu.

Item ordinamus, quod nulli Studentes à quibuscumque studiis generalibus redeant ad suas Provincias sine Prioris Generalis, & ultra montes, saltem sine Provincialis assensu, neque Prior studii generalis habeat potestatem talibus licentiam dandi ad eorum instantiam sub pœnâ depositionis ab officio.

Item firmiter statuimus, quod nullus Frater præsumat gradum licentiæ, ac lauream doctoralem in aliquâ Universitate suscipere absque expressâ licentiâ Reverendissimi P. Generalis specialiter concessâ, sub pœnâ excommunicationis lætæ sententiæ, & privationis gradus, & honorum in perpetuum, aliisque pœnis in Bullis Martini V. & Eugenii contentis.

Item ordinamus, quod lectiones in Logicâ, Philosophiâ, & Theologiâ initium sumant à festo Nativitatis Beatæ Virginis Mariæ usque ad Dominicam Sexagesimæ, & à die Cinerum denuo resumantur usque ad diem ultimam mensis Junii, neque intermittantur lectiones, nisi deputati, ad legendum aliquâ fuerint infirmitate correpti, cuius rei curam specialem P. Provincialis habeat in suis visitationibus.

Studentes regulariter non feriabuntur à scholis, nisi semel per diem in unaquaque hebdomadâ, ubi nullum festum occurrit.

Gradus extra Provincias Hispaniæ (pro quibus infra specialis erit dicendi locus) hoc modo, & non aliter à Reverendissimo P. Generali concedi poterunt sub pœnâ nullitatis. Primò nullus gradus, qualiscumque is demum sit, conferetur, aut conferri poterit à Reverendissimo Patre Ordinis, nisi prævio examine, & approbatione de sufficientiâ doctrinæ ad singulos gradus respectivè requisitæ, sicuti de vitâ, & moribus graduandorum à Prioribus Conventuum studiorum faciendâ cum totâ communitate per suffragia secreta, nec non præsentatione Diffinitorii Provincialis Propriæ Provinciæ tantum, si in ea permanerint, imò etiam alienæ, si per annum in illa commorati fuerint. Decernentes, quod Priores, & Lectores, sive Regentes studiorum tenebuntur mittere ad Capitula Provincialia, & Congregationes annuas Diffinitorium exactam relationem sub jure jurando faciendam, de sufficientiâ doctrinæ, & moribus singulorum Studentium, & R.R. Admodum Patres Provinciales in suis visitationibus omnes, & singulos Studentes serid examinantur unâ cum Sociis suis respectivè, & Regentibus, in quo examine, relatione, & præsentatione conscientias singulorum, quorum interest, sub jure jurando adstrictos, & gravatos esse volumus in diem Domini, super quibus nec Reverendissimus Pater Ordinis dispensare poterit, quod nominatim intelligi volumus, etiam de Conventu Transpontinâ.

Secundò, gradus singuli hoc modo, & non aliter conferri poterunt, nempe Curforatus (tametsi is gradum non constituat) perfectò cursu per integrum triennium totius Philosophiæ, inclusâ Metaphysicâ, & Ethicâ, non conferatur, nisi præmissis supradictò examine, præmissis etiam

solemniter quatuor lectionibus coram toto Conventu, prima de physico auditu, secunda de Cælo, vel Generatione, tertia de Animâ, & quarta de Metaphysicâ, & ultimò habitis etiam prius disputationibus publicis super universâ Philosophiâ.

Lectoratum autem nonnisi purificatis sequentibus conditionibus conferri volumus; Videlicet, primò, ut hoc gradu insigniendus sit Sacerdos, secundò, ut quatuor annis integris studierit Theologiæ cum profectu, tertio, ut intra quatuor annos prædictos habeat disputationes publicas de universâ Theologiâ.

Baccalaureatus conferatur, ubi post Lectoratum per duos integros annos legerit Philosophiam, vel Theologiam, vel per biennium in studiis permanendo, duas publicas disputationes ex primâ parte, & primâ secundâ habuerit.

Gradus denique Magisterii, ubi post Baccalaureatum per duos alios annos, vel legerint Philosophiam, seu Theologiam, vel habuerint in eodem biennio duas publicas disputationes ex secundâ secundâ, & ex tertîa part. in studiis pariter permanendo, dummodo in ætate triginta annorum sint constituti, & Romam accedant, ut examinentur; & approbentur, servatis tamen circa hoc in Provinciis Poloniæ legibus municipalibus earumdem.

Patentes verò aliter, vel alio modo concessæ nullæ sint, & censeantur tanquam si nunquam concessæ fuissent, eo quod super præmissis Reverendissimus Pater nullam habeat dispensandi facultatem.

Sciant autem Cursores, ut supra in sinuatum est, se non esse graduatos, & inter se tenere debent locum suæ professionis, imò si quis ex inferioribus Studentibus prius fuisset professus in choro, refectorio, & processionibus locum suæ professionis obtinebit, quamquam in his, quæ pertinent ad studium, Cursores in cunctis debeant illos præcedere.

Regulæ autem Lectorum tam artium, quam Theologiæ, sequentes erunt. Primò quotidie legant præter consuetos dies vacationis, & festos; Secundò quotidie explicent totum id, quod eod. die in scriptis dicant; Tertio quotidie conferentiam, vel disputationem ritè habeant cum Studentibus; Quarto singulis mensibus habeant conclusiones mensuras coram toto Conventu, vel Patribus gravioribus; Quintò semel in anno habeantur conclusiones impressæ publicæ, ad quas exteri Arguentes invitabuntur; Sextò probationes supradictorum præsentabuntur Capitulis Provincialibus, vel Congregationibus annuis, à quibus, si tanquam legitime approbatæ fuerint, expleto tempore præfatæ lecturæ, vel permanentiæ in studio cum conditionibus superius assignatis, poterunt Lectores, & Baccalaurei à toto Diffinitorio Capituli, vel Congregationis annuæ præsentari Reverendissimo Patri pro eorum promotione cum expresso ejusdem Diffinitorii testimonio de vitâ, & moribus eorumdem.

Lectores Theologiæ studeant tum gravitati, tum brevitati, tum maxime perspicuitati, non obiter, aut leviter attingant difficultates scholasticas, neque verò tam in conquerendis Doctorum auctoritatibus immorentur, quam in solidis rationibus serid examinandis. Quod spectat ad D. Thomam illius doctrinam amplectantur cum interpretatione Doctorum Ordinis nostri; Insuper serid monentur Regentes, & Juniores nostri, ut juxta antiquiores Ordinis Constitutiones diligenter studeant Doctorum nostri Ordinis determinationes sustinere, sententias sequi, & allegare, præsertim Joannis Bachonii Doctoris resoluti nuncupati. Lectores vero Philosophiæ studeant Aristoteli adherere, quantum Fides Catholica patitur.

In collatione  
Lectoratus.

In collatione  
Baccalaureatus.

In collatione  
Magisterii.

Patentes aliter  
concessæ  
irritæ sint.

Curforatus  
proprie non  
est Gradus;  
& ordo professionis  
inter Cursores  
servandus.

Regulæ communes  
Lectorum tam  
Artium, quam  
Theologiæ.

Quomodo se  
gerere debeant  
Lectores  
Theologiæ in  
lectionibus,  
& studio  
Doctorum.

Lecto.

Studentes reverti non possint ad Provincias sine licentiâ.

Nemo ad gradum Licentiæ, vel Doctoratus admittatur sine facultate Prioris Generalis.

Præfinitio temporis quoad principium, & finem lectionum.

Destinatio vocationis qualibet hebdomada.

Forma servanda in collatione Graduum in toto Ordine, excepta Hispaniâ, & primò quod illa fiat per Priorem Generalem prævio examine.

Relatio annuatim faciendâ circa sufficientiam doctrinæ, & morum qualitatem cuiusque Studentis.

Secundò, præscribitur quid servandum in collatione singulorum Graduum, incipiendo à



1711.  
Exemptio  
quorumcun-  
que Lecto-  
rum durante  
exercitio ab  
assistentiis  
Chori, ali-  
que ordina-  
tiones pro il-  
lorum com-  
modo.

Studentes re-  
verentiam  
Lectoribus  
deferant, &  
modeste se  
gerant in  
scholis; aliter  
poenis corri-  
gantur.

Studentes  
quomodo se  
gerere debe-  
ant extra  
scholam.

Modus à Stu-  
dentibus ser-  
vandus in  
exercitio stu-  
diorum.

Frates quo-  
modo eru-  
diendi in li-  
teris huma-  
nioribus, &  
Sæculares in  
studiis non  
admittendi.

Assignatio  
Laicorum,  
Confessario-  
rum, & Con-  
cionatorum  
in Conventi-  
bus studio-  
rum.

Studentes a-  
dire debeant  
Processiones.

Opera piete-  
tis, quibus va-  
care teneantur  
Studentes.

Nemo insti-  
tuatur in Gra-

Lectores, sive Artium, sive Theologiæ quandiū deputabuntur ad docendum, erunt exempti ab officio chori juxta Decreta Clementis VIII.; pro reform. Regul. 25. Junii 1599. Diebus tamen solemnioribus, & Dominicis majori Missæ, & Vespertis interesse tenebuntur, & Sabbatis Completorio. Non concionabuntur, nisi diebus festis, & in eodem loco, in quo est Conventus ipsorum, vel in conviciis; Cæterum curabit omnino diligenter Superior, maximâ cum charitate Lectoribus administrari victum, vestitum, aliaque necessaria; Quandiū verò Lectores actualiter docebunt, sub se Studentes voce, & loco præcedant.

Lectoribus Studentes, alique omnes honorem ubique deferant, & eam in scholis modestiam servant, quæ deest viros religiosos; Si quis secundò monitus ab immodestia, & loquacitate in scholâ non abstinerit, gravi pœna subjaceat. At verò post tertiam vicem expellatur à Priore, & Lectore, donec Generalis moneatur. Item si quis irreverenter se gesserit erga Lectores, panem, & aquam in terrâ comedat, & nisi ter monitus lese corrigat, per Provinciale de consilio Prioris, & Regentis expellatur à studiis, donec moneatur Reverendissimus Pater Generalis.

Audito signo lectionis modeste cum silentio scholam adire festinabunt, statim etiam post lectiones in suas cellas se recipiant sub pœnâ gravi assuetis contrahere, & otiose vagari, verborum contentiones, vociferationem, gestusque immodestos summpere devitent, etiam inter disputandum; quicumque verò Frater offenderit verbo, statim moneatur ab illo, qui est inter ipsos Præfectus, aut professione major sub pœnâ gravi, si quis arroganter resistat.

Frates studio deputati, nec concionibus, nec aliis studiis, quàm ei, cui sunt addicti, sese applicent ex professo sub pœnâ gravi assuetis. Omnes, & singuli non solum lectiones excipiant, sed etiam functiones omnes scholasticas obeant suis vicibus; quod si negligentes in his aliqui reperiantur, & tertio moniti non se corrigant, à studio removeantur. In quotidianis autem disputationibus, postquam à Studentibus aliquid de scriptis repetitum fuerit, duo argumentabuntur; Arguent autem primo loco Studentes ejusdem classis, deinde replicare poterunt Studentes superioris classis. Quod si qui ultra triennium manserint in studiis inutiliter, & sine aliquo profectu, ordinamus, quòd revocentur à studio, & remittantur ad alios Conventus, ne frustra ulterius locum occupent aliorum.

Ad literas humaniores addiscendas Frates nostri nunquam mittantur extra Conventum, sed singulis annis nominentur, qui juniores eruditionem doceant. Item scholæ nostræ nullis pateant Sæcularibus ad lectiones excipiendas, vel audiendas sub pœnâ gravi, si tamen id necessarium, ut in aliquâ Provinciâ, dispensabit Reverendissimus, consentiente Capitulo Provinciali.

Ad Conventus studiorum tot assignabuntur Laici, ut ad officia communia sufficiant, quibus proinde Studentes ordinariè non applicabuntur. Item in illis Confessarii, & Concionatores esse debent ordinarii. Nolumus enim actu Studentes operibus ejusdem vacare, nisi pro rarâ, & urgente necessitate, vel pro brevi exercitatione, quæ studia non impediât.

Omnes tamen, & singuli Studentes tam ad publicas, quàm ad privatas Processiones ire teneantur sub pœnâ gravi.

Item omnes non Sacerdotes semel in hebdomadâ sacram Eucharistiam sumere teneantur, singulis quoque annis petant, & illis concedatur per aliquot dies in cellulis suis solitudini, silentio, & pietate vacare ferventiùs.

Nullus impofterum instituat Magister, Præ-

sentatus, Baccalaureus, vel Lector, qui dicatur de gratiâ graduatus, neque ex saltu, etiam si per aliquot annos in studiis se exercuerit, super quo nec poterit dispensare Reverendissimus.

Item ordinamus, quod Magistri in Theologiâ, ultra Regentias, Lecturas, Prædicationes, Prioratus tam locales, quàm provinciales, & generales, seu Provinciarum Visitatores, & Procuratores Ordinis, aut Societates Reverendissimi Patris Generalis, seu Provincialis, non possint habere alia officia in Ordine; Neque audeant sub pœnâ privationis dignitatis, & gradus ipso facto suscipere Procuratorias, Sacristias, vel hujusmodi officia ad simplices Fratres attinentes immediatè, nisi fortasè in aliquo Conventu ex dispensatione solius Reverendissimi P. Generalis expediret ex Magistris aliquem pro Conventus beneficio de prædictis aliquid exercere, quod non fiat, nisi in casu rarissimo.

Nullus libros imprimere præsumat, nisi ad hoc licentiam, & approbationem obtineat per Priorem Generalem, aut per Capitulum Generale sub pœnâ privationis gradus, vocis, & loci: Volumus autem, ut talis approbatio à Reverendissimo Patre Ordinis non detur, nisi prius liber ille imprimendus à duobus Magistris in Theologiâ, vel Theologiam actualiter docentibus, aut qui illam per aliquot annos docuerint; ad id specialiter deputandis, revisus, & approbatus fuerit.

In omnibus Conventibus incumbet præcipuè Superiori obligatio curandi, ut bis in hebdomadâ fiat lectio casuum conscientiæ, non tamen scripta dictando, sed Auctorem selectum prælegendo, & explicando, dubia proponendo, & dissolvendo, huicque lectioni teneantur interesse omnes Sacerdotes, etiam graduati legitime non impediti, nisi à Provinciali dispensationem in scriptis obtinuerint.

§. 3. Cum autem, sicut eadem expositio subjungebat, tollendis multiplicibus confusionibus hæctenus inventis, stabilienâque ejusdem Ordinis ejusque studiorum, & graduum salubri directioni maximè expediat, ut præinserta decreta, abrogatis aliis per memoratum Joannem Priorem Generalem, sicut præmittitur, editis Apostolicæ confirmationis nostræ præsidio muniantur; Nobis propterea prædictus Petrus Thomas Prior Generalis humiliter supplicari fecit, ut in præmissis opportunè providere, & ut infra, indulgere de benignitate Apostolicâ dignaremur; Nos igitur ipsum Petrum Thomam Priorem Generalem specialibus favoribus, & gratis prosequi volentes, & à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quâvis occasione, vel causâ latis, si quibus quomodolibet innodatus existit, ad effectum præsentium dumtaxat consequendum, harum ferie absolventes, & absolutum fore censentes, hujusmodi supplicationibus inclinati de Venerabilium Fratrum nostrorum S. R. E. Cardinalium negociis, & consultationibus Episcopo rum, & Regularium præpositorum consilio studia, & gradus dicti Ordinis ad formam Decretorum Capituli Generalis ejusdem Ordinis anno MDCCIV. celebrati auctoritate Apostolicâ tenore præsentium reducimus, salvâ tamen semper in præmissis auctoritate Congregationis eorundem Cardinalium.

§. 4. Decernentes ipsas easdem præsentibus literas semper firmas, validas, & efficaces existere, & fore, suorumque plenarios, & integros effectus sortiri, & obtinere, ac illi, ad quos spectat, & pro tempore quocumque spectabit in omnibus, & per omnia plenissimè suffragari, & ab eis respectivè inviolabiliter observari; Sicque in præmissis, per quoscumque Judices Ordinarios, & Delegatos, etiam

causa-  
dibus ex gratiâ,  
vel saltu.

Exprimuntur  
officia, que  
Magistri in  
Theologia  
consequi pos-  
sunt.

Prohibitio  
typis edendi  
libros, nisi  
per auctorem  
licentiâ Prioris,  
vel Capituli  
Generalis.

Lectio casuum  
conscientiæ bis  
facienda in  
qualibet heb-  
domadâ.

Continuatio  
Brevis summe:  
Clementis XI

Reductio stu-  
diorum, &  
Graduum, in  
Ordine ad  
formam De-  
cretorum Ca-  
pituli Gene-  
ralis anno  
1604. celebra-  
ti.

Decreta roborantia cum  
clausula Ig-  
blata, & irri-  
tante.



Derogatio contrarium, præcipue Brevis la. mem: Innoc. XII. de quo supra.

causarum Palatii Apostolici Auditores judicari, & definiti debere; ac irritum, & inane, si secus super his à quoquam quâvis auctoritate scienter, vel ignoranter contigerit attentari; Non obstantibus prædictis Innocentii XII. Prædecessoris nostri literis, aliisque præmissis, ac Constitutionibus, & Ordinationibus Apostolicis, nec non, quatenus opus sit, prædictorum Ordinis, & Provinciarum, aliisque quibusvis, etiam juramento, confirmatione Apostolica, vel quâvis firmitate alia roboratis statutis, & consuetudinibus, Privilegiis quoque, Indultis, & Literis Apostolicis in contrarium præmissorum quomodolibet concessis, confirmatis, & innovatis; Quibus omnibus, & singulis illorum tenores præsentibus pro plenè, & sufficienter expressis, ac de verbo ad verbum insertis habentes, illis aliâ in suo robore permansuris, ad præmissorum effectum hac vice dumtaxat specialiter, & expressè derogamus, cæterisque contrariis quibuscumque.

§. 5. Volumus autem, ut eorundem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo Personæ in dignitate Ecclesiasticâ constitutæ munitis, eadem prorsus fides adhibeatur, quæ adhiberetur ipsis præsentibus, si forent exhibitæ, vel ostensæ. Datum Romæ apud Sanctam Mariam Majorem sub Annulo Piscatoris die x. Novembris MDCCXI. Pontificatus Nostri Anno Undecimo.

Pro R. P. D. Oliverio.

I. C. Battellus.

Fides habenda Transumptis.

Dat. die 10. Novemb. anno 1711.

ANNO 1712. XLVIII.

PRÆCEPTUM

Super observatione generalis Interdicti, cui R. P. D. Fabritius Episcopus Lycienis à Seculari potestate violenter ejectus in actu suæ ejectionis Civitatem, & Diocesim Lyciensem supposuerat.

CLEMENS PAPA XI.

Ad perpetuam rei memoriam.

Cum, sicut ad Apostolatus nostri notitiam pervenit, in Civitate, & Diocesi Lycien. quas nuper Venerabilis Frater Fabritius Episcopus Lycien., non solum à suâ Ecclesiâ Lycien. verum etiam à toto Regno Neapolis, per intolerabilem Laicalis potestatis abusum violenter ejectus, in actu ejusmodi suæ ejectionis, juxta Sacrorum Canonum præscriptum, Ecclesiastico Interdicto suppositus, nonnullæ personæ Ecclesiasticæ Sæculares, & forsân etiam Regulares reperiantur, quæ temerario ausu, sive variis ab Ordinatorum auctoritate exemptionis, ac immediata huic Sanctæ Sedi subjectionis, nec non Apostolicorum eorum Ordinibus, vel Institutis concessorum privilegiorum prætextibus, sive etiam eâ ratione, quod eorum Ecclesiæ, Conventus, & Monasteria sub præsentâ protectione Regiâ, aut de præfeso Regio jurepatronatu esse dignoscantur, se ad dicti generalis Interdicti observantiam minimè teneri, ac Missas, & alia Divina Officia celebrare, necnon Sanctissimum Eucharistiæ Sacramentum administrare, Fidelium defunctorum cadavera sepulture tradere, aliisque actus per eorundem Sacros Canones tempore Interdicti prohibitos, cum gravi Fidelium scandalo, publicoque auctoritatis Ecclesiasticæ contemptu, exercere posse præsumunt.

§. 1. Hinc est, quod Nos Sacrorum Cano-

num præfatorum, & Concilii Tridentini dispositioni inhaerentes, ac generale Interdictum, cui præfatus Fabritius Episcopus Civitatem, & Diocesim prædictas, sicut præmittitur, subjecit, pro valido, & justo habentes, illudque ad majorem cautelam, ac quatenus opus sit, approbantes, & confirmantes, eique Civitatem, & Diocesim præfatas de novo subjicientes, Motu proprio, ac ex certâ scientiâ, & maturâ deliberatione nostris, deque Apostolicæ potestatis plenitudine, omnes, & singulas personas Ecclesiasticas, tam Sæculares, cujusvis tandem gradus, præminentie, ac dignitatis fuerint, quam cujusvis Ordinis, Congregationis, Instituti, & Societatis etiam Jesu, Regulares, ad exactam ejusdem Interdicti observantiam omnino teneri, & obligatas existere, ac fore, itaut in quibusvis Ecclesiis, Locis piis, Oratoriis etiam privatis, ac Cappellis domesticis, etiam in Fortalitiis Regiis Civitatis, & Diocesis prædictarum existentibus, quocumque privilegio, exemptione, & Indulto, etiam præfata protectionis Regiæ, seu præfati jurispatronatus Regii, tametsi pluries, ac quantivocumque vicibus ab hac Sanctâ Sede approbati, suffultis, nec Missæ, nec alia Divina Officia celebrari, neque Sanctissimum Eucharistiæ Sacramentum prædictum administrari, minusque Fidelium defunctorum cadavera sepeliri, aliave tempore Interdicti prohibita exerceri, nisi temporibus, casibus, & modis per prædictos Sacros Canones permisis, ullo modo valeant, tenore præsentium statuimus, decernimus, & ordinamus; Adeoque privilegia, exemptiones, indulta, protectiones, & jurispatronatus hujusmodi, etiam si ceteroquid de jure subsisterent, nemini ad effectum se eximendi ab observantiâ præfati generalis Interdicti allatenus suffragari posse, harum ferie declaramus.

§. 2. Præterea omnes, & singulos, quantumvis, exemptos, & quovis modo privilegiatos, qui statuto, decreto, & ordinationi nostris hujusmodi, sub quovis quâsito colore, ratione, aut prætextu hæcenus quomodolibet contravenerunt, seu contravenient in futurum, etiam si Cappellanorum Regiorum honore, seu alio quovis titulo, munere, aut dignitate præfulgeant, eo ipso, & absque aliâ declaratione in censuras, & pœnas Ecclesiasticas per præfatos Sacros Canones, & Constitutiones Apostolicas desuper inflictas, & impositas incidisse, illisque innodatos fuisse, & esse, ac fore, nec ab eis à quoquam, nisi à Nobis, seu Romano Pontifice pro tempore existente (præterquam in mortis articulo, & tunc cum reincidentia in eadem censuras, & pœnas eo ipso, quo convaluerint) absolvi, & liberari posse, eorundem tenore præsentium similiter statuimus, & declaramus.

§. 3. Facultatem insuper contra Transgressores Ecclesiasticos, si quidem Sæculares fuerint, ad Beneficiorum Ecclesiasticorum per eos obtentorum privationis, aliaque in posterum obtinendi inhabilitationis: si verò Regulares, ad Officiorum quorumcumque, ac vocis activæ, & passivæ privationis, aliaque pœnas canonicas procedendi, Nobis, & Apostolicæ Sedi specialiter, & expressè reservantes.

§. 4. Ac decernentes pariter easdem præsentem literas, & in eis contenta quæcumque, etiam ex eo, quod præfati, & alii quicumque in præmissis interesse habentes, seu habere quomodolibet prætendentes, cujusvis status, gradus, ordinis, præminentie, & dignitatis existant, seu alias specificâ, & individuâ mentione, & expressione digni illis non consenserint, nec ad ea vocati, citati, & auditi, causæque propter quas præsentem emanarint, sufficienter adductæ, verificatæ, & justificatæ non fuerint, aut ex aliâ qualibet etiam quantumvis juridicâ, & privilegiatâ causâ, colore, prætextu,

confirmat. & ab omnibus observari mandat.

Contravenientes in censuras incidisse se declarat, quarum absolutionem sibi reservat.

Alias pœnas in eos constituit.

Cum amplissimis clausulis

Pontifex Interdictum

&c